

# გუბერნატორმა მსოფლიო ჩემპიონატის მონაწილე სპორტსმენები დააჯილდოვა

11 სექტემბერი 2017

შიდა ქართლის გუბერნატორმა კახა სამხარაძემ გორელ თავისუფალი სტილით მოჭიდავეებსა და ძიუდოსტებს მსოფლიო ჩემპიონატში მონაწილეობისა და მიღწეული წარმატებებისთვის დიპლომები და სიმბოლური საჩუქრები გადასცა. კახა სამხარაძემ სპორტსმენებსა და მათ მწვრთნელებს მადლობა გადაუხადა ქვეყნის წარმატებასა და სპორტის განვითარებაში შეტანილი წვლილისთვის.

შეხვედრაზე იმყოფებოდნენ, თავისუფალი სტილით მოჭიდავე, პარიზის მსოფლიო ჩემპიონატის ოქროს მედალოსანი გენო პეტრიაშვილი და ამავე ჩემპიონატის მონაწილე ჯაბა ყველაშვილი. ბულგარეთში ყოფნის გამო, შეხვედრას ვერ დაესწრო 2017 წლის მსოფლიო ჩემპიონატის ბრინჯაოს მედალოსანი ვლადიმერ ხინჩეგაშვილი. გორელი ძიუდოსტებიდან ღონისძიებას დაესწრნენ, 2017 წლის ბუდაპეშტის მსოფლიო ჩემპიონატის მონაწილე ლაშა შავდათუაშვილი და ამავე ჩემპიონატის ბრინჯაოს მედალოსანი ვაჟა მარგველაშვილი. ძიუდოსა და თავისუფალი სტილით ჭიდაობის განვითარებაში შეტანილი განსაკუთრებული წვლილისთვის, გუბერნატორმა საქართველოს დამსახურებული მწვრთნელები ნუგზარ სხირელი, ნიკო ბიბილაშვილი და ანზორ თენაძე დააჯილდოვა.